

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i Programa utroška sredstava u Ministarstvu za rad, socijalnu politiku i izbjeglice za 2020. godinu, broj: 02-11-1601/20 od 30.01.2020. godine, broj: 02-11-6331/20 od 08.05.2020. godine i broj: 02-11-10814/20 od 26.06.2020. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 75. sjednici održanoj dana 25.09.2020. godine, d o n o s i

ODLUKU

o odobravanju sredstava za sufinansiranje betoniranja lokalnog puta u zaseoku Šimići, Mjesna zajednica Osova, općina Žepče

Član 1.

(Predmet)

Odobravaju se Općini Žepče novčana sredstva u iznosu od 30.035,00 KM (slovima: trideset hiljada i trideset pet konvertibilnih maraka) na ime učešća Zeničko-dobojskog kantona u sufinansiranju betoniranja lokalnog puta u zaseoku Šimići, Mjesna zajednica Osova, općina Žepče, sa ciljem potpore održivog povratka na područje općine Žepče.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), sa razdjela 20 - Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 615200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“.

Član 3.

(Uplata sredstava)

Odobrena sredstva će se uplatiti na transakcijski račun Općine Žepče broj: 3380002210835421 otvoren kod UniCredit banke d.d., ID broj: 4218204580006, vrsta prihoda 732114, šifra Općine 105, sa naznakom Svrha uplate: „Sufinansiranje betoniranja lokalnog puta u zaseoku Šimići, MZ Osova, općina Žepče, sa ciljem potpore održivog povratka na područje općine Žepče“.

Član 4.

(Izvještavanje)

Obavezuje se Općina Žepče da Ministarstvu za rad, socijalnu politiku i izbjeglice Zeničko-dobojskog kantona po završetku građevinskih radova dostavi narativni i finansijski izvještaj o namjenski utrošenim sredstvima, a najkasnije do 31.12.2020. godine.

Član 5.

(Realizacija Odluke)

Za realizaciju ove odluke zadužuju se Općina Žepče, Ministarstvo za rad, socijalnu politiku i izbjeglice i Ministarstvo finansija svako u okviru svojih nadležnosti.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-15991/20

Datum, 25.09.2020. godine

Zenica

PREMIJER

Mirza Ganić

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Općina Žepče, putem Ministarstva,

1x “Službene novine Zeničko-dobojskog kantona”,

1x a/a.